

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

FIVE IMPORTANT TIPS TO HELP NOVICE
ATHLETES IN SPORTS CONFIDENCE

Turmeric & Coffee

The Suprising Ingredient Generating Short-Pulsed Laser

EMAIL CARBON FOOTPRINT

A SOURCE FOR GREENHOUSE GASES EMISSIONS

Creating Happiness

IN WORK AND LIFE IN SOCIETY: A RELIGIOS PERSPECTIVE

Teknik Pengucapan

BARACK OBAMA

eISSN 2600-9811

9 772600 981003
Publication Date
7 November 2023

MENANGGUK

IKAN

MASIH POPULAR DI HULU TERENGGANU

Oleh:

Nurul Syuhada Baharuddin, Roseziahazni Abdul Ghani,
Ira Mazliana Mhd Atan & Wan Anisabanum Salleh

Fakulti Pengurusan dan Perniagaan,
Universiti Teknologi MARA Cawangan Terengganu, MALAYSIA.

Emel koresponden: nurul574@uitm.edu.my

Menangguk ikan merupakan kaedah menangkap ikan secara tradisional yang dilakukan di kawasan sungai. Teknik ini berbeza dengan cara menangkap ikan secara konvensional kerana menangguk memerlukan jaring-jaring khusus yang dikenali sebagai "tadah atau tangguk" untuk menangkap ikan. Manakala "bubu" yang memiliki struktur terapung membolehkannya



mengapung di atas air dan digunakan untuk menahan tadah. Ada juga penangguk yang menggunakan "sarong" iaitu sejenis tenunan tangan yang diperbuat daripada daun mengkuang dan diikat mengelilingi pinggang penangguk. Ia berfungsi sebagai tempat meletakkan ikan yang telah ditangkap. Aktiviti menangguk ikan di sungai-sungai kecil merupakan antara aktiviti yang masih mendapat sambutan di sesetengah kawasan pedalaman di Hulu Terengganu. Ahli-ahli Finance Student Association (FiSA), Universiti Teknologi MARA (UiTM) Cawangan Terengganu bersama rakan kolaborasinya Tegas Venture Resources dan Amanah Ikhtiar Malaysia melalui program "Career Path: Entrepreneurial Vision and Money Management" telah berpeluang merasai dan mendapatkan pengalaman sebenar aktiviti menangguk ikan yang semakin jarang ditemui masa kini.

Program ini telah diadakan pada 8 Julai, 2023. Ia melibatkan kira-kira 26 orang peserta yang terdiri daripada ahli FiSA, 4 orang pensyarah

Fakulti Pengurusan dan Perniagaan (FPP) manakala penglibatan lebih 50 orang penduduk Kampung Lubok Periok. Melalui program ini, para peserta dapat mempelajari kaedah menangguk ikan hasil demonstrasi yang dilakukan oleh sebahagian penduduk Kampung Lubok Periok, Hulu Terengganu. Kegiatan ini agak asing bagi sebahagian besar peserta yang mengikuti program ini, namun masing-masing teruja dan gembira dapat menghayati sendiri pengalaman sebenar menangguk ikan. Menurut En. Abdul Rasek bin Ali, Pengerusi Jawatankuasa Keselamatan Kampung Lubok Periok, aktiviti menangguk ini masih popular dalam kalangan penduduk kampung tersebut. Ia merupakan aktiviti sosial mereka disamping mencari hasil untuk menyara keluarga. Aktiviti menangguk ini telah diamalkan sejak turun temurun daripada nenek moyang mereka. Selain itu, beliau turut memberi penerangan berkaitan kegiatan ekonomi penduduk yang tumpuan utamanya adalah sektor pertanian melalui penanaman sawit dan getah. Ada sebilangan daripada mereka yang menjalankan perniagaan kecil-kecilan daripada hasil pertanian dan ikan salai hasil aktiviti menangguk dan menjala.



Saudara Muhammad Za'im bin Mohd Zaki yang merupakan pengarah program tersebut turut menzahirkan rasa teruja dan berpuas hati dengan hasil aktiviti kemasyarakatan atau tanggungjawab sosial universiti (USR) yang dianjurkan. Menurut beliau, para pelajar bukan sahaja dapat belajar tentang budaya hidup, belajar menanggung, belajar memasak makanan tradisi iaitu bubur gandum tetapi mereka juga turut berkongsi ilmu berkaitan inovasi simpan kira-kira melalui penggunaan teknologi dan aplikasi kepada penduduk Kampung Lubuk Periok yang terpilih dalam sesi bersama Amanah Ikhtiar Malaysia (AIM) yang melibatkan 21 orang peminjam-peminjam mikro AIM di sekitar daerah Hulu Terengganu. Turut menyumbang ilmu perniagaan dalam slot bersama alumni UiTM Cawangan Terengganu adalah Encik Aiman Haziq bin Johari yang merupakan Pengasas Aihaz Horizon Sdn. Bhd. melalui perkongsiannya yang bertajuk "Pentingnya Transformasi Perniagaan Dalam Era Globalisasi". Di samping itu, 14 buah keluarga asnaf terpilih turut diberikan sumbangan berupa beras dan barangan keperluan dapur hasil tajaan bersama Tegas Venture Resources, Secretskills Resources, NBJ Solutions dan Flexi Synergy Sdn. Bhd.

UiTM Cawangan Terengganu melalui program-program kemasyarakatan sebegini sebaik



mungkin cuba berkongsi serta menyebar luas kepakaran, kebolehan, pengetahuan dan menghulurkan bantuan kepada golongan yang memerlukan. Program sebegini juga merupakan lapangan pembelajaran tidak formal kepada para pelajar yang turut memberi impak kepada pembentukan sahsiah diri, kepimpinan dan

rasa tanggungjawab terhadap diri serta masyarakat umum. Kesimpulannya, aktiviti menanggung ikan di Terengganu bukan hanya suatu cara untuk mencari rezeki, tetapi juga merupakan antara seni dan warisan budaya yang patut dikekalkan. Ini adalah pengalaman yang menarik yang boleh dikomersialkan melalui pengisian pelancongan untuk



pelancong dalam atau luar negara yang mencari pengalaman yang berbeza dan ingin merasai kehidupan masyarakat tradisional di Malaysia. Ahli-ahli FiSA amat beruntung kerana diberi peluang untuk merasai sendiri pengalaman menanggung melalui aktiviti kemasyarakatan yang dijalankan di Kampung Lubuk Periok. Sambil menikmati keindahan alam Terengganu, kita dapat memahami lebih mendalam tentang budaya dan sejarah masyarakat setempat. Walaupun teknologi moden semakin meluas dalam industri perikanan, kegiatan menanggung ikan di Terengganu berjaya mengekalkan warisan ini. Generasi muda diterapkan dengan nilai-nilai dan teknik tradisional oleh nenek moyang mereka, memastikan bahawa kegiatan ini terus hidup dan terus memberi sumbangan kepada ekonomi tempatan.

AKU, DIA & NICU *Siri 7*

¹Nik Noor Afizah Azlan & ²Mazlan Mat

¹Fakulti Pengurusan dan Perniagaan,
UiTM Cawangan Terengganu

²Lembaga Hasil Dalam Negeri Malaysia, Terengganu

E-mel koresponden: nikno561@uitm.edu.my

.....Maka bermulalah perjalanan kehidupan kami dengan DIA & NICU...



Masuk hari ke-2 di wad bersalin, aku semakin bertenaga. Suamiku mengajak aku ke Unit Rawatan Rapi Neonatal (NICU) untuk aku berjumpa dengan anak kami buat pertama kali. Memandangkan aku masih sakit dan tidak mampu berjalan seperti biasa lagi, aku disorong oleh suamiku dengan kerusi roda untuk ke NICU. Suamiku memberi penerangan ringkas tentang prosedur untuk berjumpa dengan bayi kami di NICU kerana peraturannya agak ketat demi kesihatan dan keselamatan semua bayi di unit tersebut. Sepanjang perjalanan ke NICU, hatiku berdebar-debar. Perasaan teruja dan gembira membuak-buak namun pada masa yang sama terselit rasa risau dengan kondisi kesihatan anak kami itu.

Sesampai sahaja di hadapan pintu NICU, terpampang amaran "HANYA IBU DAN BAPA BAYI SAHAJA DIBENARKAN MASUK". Kami perlu mendapatkan kebenaran daripada jururawat bertugas untuk memasuki NICU dan kami dikehendaki menanggalkan segala aksesori seperti gelang, cincin, jam atau apa sahaja yang ada di tangan



BizNewz 2023
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com